

დანართი 8
გეოლოგიური ტერმინების
შედარებითი ცხრილი

გეოლოგიური ტერმინების შედარებითი ცხრილი

ტერმინი გამოყენებული საბჭოთა კავშირში	საბჭოთა კავშირის აღწერა	ტერმინი გამოყენებული დიდ ბრიტანეთში
დელიუვიური ნალექები	ეკუთვნის კონტინენტურ წარმონაქმნების გენეტიკურ ტიპს, რომელიც ძირითადად გროვდება ფერდობებზე და მის ძირში, ასევე წყალგამყოფთა დაბალ ადგილებში წვიმის და გამდნარი წყლის საშუალებით მაღალი ადგილებიდან გამოფიტული ფხვიერი მასალის გადაადგილების შედეგად.	კოლუვიური ნალექები
პროლუვიური ნალექები	ნალექები, წარმოქმნილი წყლის დროებითი ღვარების მიერ გამოტანის კონუსებში. გამოტანის კონუსის თავიდან ბოლოსაკენ ნამსხვრევი მასალის მექანიკური შემადგენლობა იცვლება კენჭნარ-ხრეშიდან ქვიშა-თიხური შემადგენლობით, უფრო წვრილმარცვლოვან დახარისხებულ ნალექებამდე (თიხოვანი ქვიშა, თიხნარი)	ალუვიური ნალექები
ალუვიური ნალექები	კონტინენტური ნალექების ტიპი, რომელიც წარმოიქმნება მუდმივი ნაკადების მიერ მდინარის ხეობებში.	ალუვიური ნალექები
კოლუვიური ნალექები	მსხვილმარცვლოვანი მასალის დაგროვება წყალგამყოფის დახრილ ზედაპირზე, მთის კედლებზე და მათ ძირში. ეს არის ზვავების ჩამოქცევების და ფლატეების დანაგროვები, რომელიც წარმოიქმნება ქანების გამოფიტვის და დაშლის პროდუქტების არევიტ, რაც გამოწვეულია საკუთარი წონით (გრავიტაციული ძალით), მცირედ და ძლიერ მცირედ დაშორებული ჩამოტანის ადგილიდან.	კოლუვიური ნალექები
ელუვიური ნალექები	გამოფიტვის შედეგად წარმოქმნილი სხვადასხვა პროდუქტები, რომელიც ადგილზეა დარჩენილი. შედგენილობის მიხედვით შეიძლება იყოს როგორც თიხები და თიხოვანი ქანები, ქვიშები, ხვინჭა, ხრეში და მათი გარდამავალი სახესხვაობანი.	ელუვიური გრუნტი
ტექნოგენური ქანები	ხელოვნურად გაუმჯობესებული, გარდაქმნილი ან ყრილის გრუნტი, წარმოქმნილი დაყრით, მოლექვით ან სხვა წესით	ნაყარი გრუნტი
მეწერული	გრუნტის მასა, რომელიც ჩამოცურდა ან მოცურავს ფერდობიდან გრავიტაციული ძალით, ჰიდროდინამიკური წნევით, სეისმური ან სხვა ძალების მოქმედებით	მეწერული
ალუვიურ- პროლუვიური	მდინარის ნორმალური დინების პირობებში წარმოქმნილი ნალექებისა (alluvial-a) და მისი უეცარი ადიდების დროს წარმოქმნილი ნალექების ფენებისა და ლინზების მონაცვლელობით წარმოდგენილი მასივი (proluvial-p)	ალუვიური ნალექები
დელიუვიური- პროლუვიური	გრუნტის მასივი, რომელიც შეიცავს როგორც წვიმისა და თოვლის დნობით წარმოქმნილი წყლის მიერ ფერდობებიდან ზედაპირულად ჩამორეცხილ თიხოვან გრუნტებს (deluvial-d), ასევე იმავე ფერდობებიდან პერიოდულად მოვარდნილი წყლის ღვარების მიერ ჩამონატან თიხა-ხრეშოვან ნალექებს	კოლუვიური ნალექები